

**Bosna i Hercegovina
Federacija Bosne i Hercegovine
KANTON SARAJEVO
OPĆINA VOGOŠĆA
OPĆINSKI NAČELNIK**

Broj: 03-20-427/26

Vogošća, 10.03.2026. godine

**OPĆINSKO VIJEĆE
V O G O Š Ć A**

PREDLAGAČ: Općinski načelnik

OBRADIVAČ: Služba za privredu, integrisani lokalni razvoj i društvene djelatnosti

PREDMET: Odluka o pristupanju izradi Strategije ruralnog razvoja Općine Vogošća za period 2027.-2033. godine - prijedlog

Dostavljamo Vam prijedlog Odluku o pristupanju izradi Strategije ruralnog razvoja Općine Vogošća za period 2027.-2033. godine na donošenje.

**PREDLAGAČ
OPĆINSKI NAČELNIK**

Migdad Hasanović

Na osnovu člana 13. stav (2) alineja 18. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 70. stav (1) tačka 2. Statuta Općine Vogošća („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24) Općinsko vijeće Vogošća, na sjednici održanoj _____godine, donijelo je

PRIJEDLOG

ODLUKU O PRISTUPANJU IZRADI STRATEGIJE RURALNOG RAZVOJA OPĆINE VOGOŠĆA ZA PERIOD 2027.-2033. GODINA

Član 1.

(Predmet Odluke)

Ovom Odlukom pristupa se izradi Strategije ruralnog razvoja Općine Vogošća za period od sedam godina, odnosno za period 2027.-2033. godina (u daljnjem tekstu: Strategija ruralnog razvoja).

Strategija ruralnog razvoja definira javne politike i mjere usmjerene na održivi ekonomski, društveni i infrastrukturni razvoj ruralnih područja, s ciljem unapređenja kvaliteta života stanovništva i smanjenja regionalnih razlika.

Član 2.

(Cilj)

Cilj izrade Strategije ruralnog razvoja je utvrđivanje dugoročnog, održivog i integrisanog okvira za unapređenje ekonomskog, društvenog i infrastrukturnog razvoja ruralnih područja, radi poboljšanja kvaliteta života stanovništva, jačanja konkurentnosti lokalne privrede i smanjenja depopulacije i regionalnih nerazvijenosti.

Član 3.

(Radna grupa)

Za koordinaciju procesa izrade Strategije ruralnog razvoja formirat će se Radna grupa koju imenuje načelnik općine posebnom odlukom, a koju će činiti predstavnici općinskih službi, relevantnih javnih ustanova, nevladinog sektora i drugih zainteresovanih aktera.

Član 4.

(Obaveze Radne grupe)

Radna grupa je zadužena da:

- a) izradi nacrt Strategije ruralnog razvoja,
- b) provede konsultacije sa zainteresiranim stranama,
- c) osigura usklađenost sa relevantnim zakonodavnim i strateškim okvirima,
- d) dostavi prijedlog Strategije ruralnog razvoja načelniku i Općinskom vijeću na razmatranje i usvajanje.

Član 5.

(Vremenski okvir izrade)

Rok za izradu Strategije ruralnog razvoja je devet (9) mjeseci od dana stupanja na snagu ove Odluke.

Član 6.

(Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

PREDSJEDAVAJUĆI
OPĆINSKOG VIJEĆA VOGOŠĆA

Nihad Hadžić

Broj:
Vogošća,

OBRAZLOŽENJE

Pravni osnov za donošenje:

Pravni osnov za donošenje Odluke je član 13. stav (2) alineja 18. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) kojim je definisano da Općinsko vijeće u okviru svojih nadležnosti obavlja i druge poslove utvrđene zakonom i statutom, i član 70. stav (1) tačka 2. Statuta Općine Vogošća („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24) kojim je Općinsko vijeće nadležno da donosi odluke, druge propise i opće akte i daje njihovo tumačenje.

Razlozi za donošenje:

Razlozi za donošenje Strategije ruralnog razvoja proizlaze iz potrebe za sistemskim, planskim i dugoročnim pristupom razvoju ruralnih područja Općine Vogošća. Ruralni prostor suočava se sa izazovima kao što su depopulacija, nedovoljno razvijena infrastruktura, ograničene mogućnosti zapošljavanja, nedovoljna iskorištenost poljoprivrednih i drugih prirodnih resursa, te potreba za unapređenjem kvaliteta javnih usluga.

Donošenjem Strategije uspostaviti će se jasan strateški okvir za održivi ekonomski, društveni i infrastrukturni razvoj ruralnih područja, definisati prioriteti i mjere djelovanja, te osigurati koordinacija između lokalnog, kantonalnog i federalnog nivoa vlasti. Strategija će predstavljati osnov za planiranje budžetskih sredstava, kandidovanje projekata prema višim nivoima vlasti i međunarodnim fondovima, te efikasnije korištenje dostupnih resursa.

Također, donošenje Strategije doprinijet će jačanju konkurentnosti lokalne privrede, razvoju poljoprivrede i poduzetništva, unapređenju infrastrukture i javnih usluga, te stvaranju uslova za ostanak i povratak stanovništva u ruralna područja.

Objašnjenje predloženih rješenja:

Član 1. – definiše predmet Odluke;

Član 2. – definiše cilj Odluke;

- Član 3. – utvrđuje obavezu formiranja Radne grupe;
- Član 4. – definiše obaveze Radne grupe;
- Član 5. – utvrđuje vremenski okvir za donošenje Strategije;
- Član 6. – definiše stupanje na snagu.

Finansijska sredstva:

Za realizaciju ove Odluke nisu potrebna finansijska sredstva.